

續梅水詩傳

重刊梅水詩傳續集跋一

梅水詩傳初集，刊於清光緒二十七年，直端曾於民國六十二年將之重印，並書跋其後，所以重鄉先輩遺著，免致湮沒失傳也。

今年秋，邂逅先師黎茂儔（瑤濱）先生哲嗣黎任世兄於耶加達，知此詩傳有續集三冊，由先師茂儔先生及家仙根（芝田）先生選輯，仙根榕軒（煜南）兩宗老作序，仍由榕軒宗老斥資付梓，於宣統三年出版問世，今已歷一甲子有奇，屢經世變，幾於絕跡人寰。幸黎氏與介兄志寧，設法妥爲保管，將碩果僅存之木刻本一部，藏於泰京，珍如拱璧，卒獲保全。茲商得黎兄同意，適其回臺之便，由其攜往臺北原本映印，俾與初集同求普遍收存，以垂久遠，付印之資，直端願獨力支助，庶入網遺珠，不復散失，先賢篇什，永

留光輝，無負先師與諸前輩苦心搜集刊行之美意，則黎氏昆仲刻意護持保存之功，不可沒也。

民國六十五年九月十五日梅縣張直端穎基甫謹跋於耶加達

重印續梅水詩傳跋二

選詩難，剞劂尤難，若藏版後，而能流傳千古者更難。蓋藏諸篋笥，易失之於蟲穿鼠蝕，或失之於兵燹之厄。際茲時亂年荒，冀能千古流傳，而不步廣陵散之後塵者，則非有大雅君子，展轉翻印，不可得也。余於去年遊美經台，同窗張漪清兄贈予梅水詩傳正集翻版本二部，係張直端世兄斥資所翻版者。余當時頗爲驚異，蓋余保存有梅水詩傳正續兩集，垂二十餘年，亟思重印而未果，遽覩此書，快慰殊甚。

今年秋，值張直端世兄於印尼椰加達，余告予尚有續梅水詩傳三卷，係宣統三年出版者，由張芝田張麟寓與先君茂僊黎璫演所編訂，張煜南鴻南昆仲所輯刊。張世兄聞之，即謂保存此書，頗爲不易，亟宜翻版，廣

予流傳，俾鄉先賢嘔心之作，不至湮沒無聞，以副先師茂僊黎璿演先生等苦心搜輯之遺志，奇厥印刷諸費，願獨力勦助，勦校之役，仍由張漪清兄例得及之。茲者余携此詩傳來台翻印，理應合書如上，故誌之。

民國六十五年九月廿五日梅縣黎 任謹跋於泰國曼谷

續刊梅水詩傳序

曩於辛丑歲輯刊梅水詩傳吾州詩界中人登是集者殆得十之七八詩卷長留吟魂當爲之一慰今試俚指計之忽忽已十年矣其時於與商權選政諸君子如少萼茂才公度京卿子鈞騎尉又皆先後歸道山嗟乎吟朋寥落絃絕知音追思昔遊感深宿草欲求如曩之賞奇析疑者可復得耶嘗欲輯其遺詩以踐後世誰定吾文之約人事錯迕迄不得就又況此十年中州中過去詩人亦復不少致身通顯者或有專集行世餘如抱璞之士伏案苦吟未能出其蘊蓄以焜耀一世其志氣所發往往見之詩歌安忍聽其湮沒而不爲之傳耶今年

夏椿軒侍郎造廬辱訪追談往事復慷慨捐貲亟謀續刻余聞之掀髯一笑以爲得君盛舉俾登仙之鶴遺蛻長存闕海之珠幽光畢露而天所以延我歲月者亦當於此既其責非勝任愉快事哉爰於暇日嚴加審定釐爲三卷間有前集未登者亦選補之猶初志也此次任襄校之役則有黎茂僊明經張仲莊上舍例得及之并識其緣起如此時宣統二年重陽日八十五老人張芝田序

韓子曰莫爲之後雖戚弗傳斯言諒哉吾州以詩鳴者彬赫稱盛余曩於辛丑旣輯而刊之私心稍稍慰矣顧其間不無遺珠且後之能詩而奄然物化有待表彰者亦復不少不有以賡續之則無以繼美於前斯不得信傳於後此續刻之舉余與仙根先有同心也宣統紀年之冬由南洋返里得見仙根先生時年八十餘矣論詩豪興不減曩時因謂之曰吾州詩人賴公以傳功不下掩骼薶齒天所以錫公遐齡者豈無意乎先生乃言前詩梓行後忽忽又屆十年計此十年中州人以遺詩來者七十餘家並前集未登者二十餘家茲合之余處所存者又十餘家共一百二十家亦云夥矣因謀續刻於

余余固樂於從事所有剞劂印刷諸費慨然應之以副
 先生盛意而編輯仍屬之先生去秋開雕今年夏工始
 竣晚僑居海外於故鄉文獻聞見頗隘今得手此一編
 高吟於海風島月之下油然而生故舊之思其愉快又當
 何如也而吾尚有一言以復先生深願後此十年吟身
 健在網羅遺佚再商續刻將吾州今古詩人悉賴以傳
 此甚感事當亦先生所樂聞而心許已
 宣統三年辛亥初秋後學張煜南謹序

續梅水詩傳

姓氏錄

明

楊元儒

曾曰唯

李 標

國朝

楊寧道

溫翔材

楊 泉

楊 澍

李 鑑

楊 勳

溫文桂

李象元

楊嘉樹

黎成孚

黃鴻章

葉承立

蕭晉璉

廖 紀

顏崇衡

徐 青

古 詞

梁雲騫

黃昌麟

張翰華

鄧際時

張重樞

黎蓬仙

張其翎

曾華

藍繼沅

張燕

黃彬

葉純青

張錫禧

范大勳

池清連

葉丹書

葉轅

葉承立

李致臨

李臻臨

陳惠和

許謙光

陳雲史

謝天爵

黃縉誥

鄧萬泉

吳鸞藻

李霖

陳璋

李階平

梁國瑞

張寶元

彭文鯨

張寶琮

張寶書

羅端行

吳蘭修

黃遵憲

劉燕勳

劉組璜

劉組瑛

劉思孟

楊長咸

黎惠謙

黎景憲

梁恩綸

葉君達

楊青

楊煥垣

張其敬

蕭展鵬

藍繩根

羅葆中

藍添齡

張麟竊

蕭坤大

張迪彝

林中培

張學敦

張學健

張皋謨

黃珽

張其辨

黃耀莖

藍樹檀

藍通經

張天驊

巫燦

陳澧

李耿光

張懷清

梁璜

黃楫

黎經

張漢祥

張汝霖

藍景修

藍璽

徐世馨

四縣附

興周健勇

陳有懿

張鴻書

羅文炳

長楊大榮

曾拾青

鎮黃觀清

徐彩光

徐嵩

徐煥垣

林翰

徐光熊

徐樹穀

徐煥梯

徐丁麟

古元春

平劉超元

張學海

韓潮

梅水詩傳

明

里人

張煜南 張鴻南 張芝田 張麟寓 黎璿漢 編輯

楊元儒

字雨人南雍積分拔貢明季世變遂隱而不出著有悼釵吟集數卷因遭兵燹鋟板焚如

此從王志而錄之

題周溪狀元橋

蒼龍吸露卧晴波破壁飛來浴此河千里跨虹連斷岸
一川綰纜繫浮艍鵲橋初駕憑星渡杖策長扶任客過
題柱當年今慙願臚傳為爾唱名多

曾曰唯

字道生明末諸生著有紡授堂詩集道生感時咏事發為詩歌獨具一種磊落不羣之概

是不落尋
常窠臼者

冬日山居

山居不思家家居山在念去之秋涉冬自然看一變衰
柳如燥髮冬荷掀敗扇霜橘青娟篠青隱朱顏倩山菊
當花時欲開不肯先遲遲殿霜英寒籬意高猶嚴氣決
豐條勁風搜梅箭心知花未開繞樹日百遍衆木次第
疎林外山漸見散步草堂前日日開生面樵餘寒木喬
暮鳥認巢便冬月勝秋月習於山者辨長病荒酒杯畏
寒這筆硯添爐煨松子霜夕闌茗戰

送病時在天啟丙寅秋日

病人蠹如虱稍能動與食坐起項領曲梳頭腰脊直一

茗三升汗一飯十回息隱几坐猶疲偃卧眠不得有時
試伸步扶杖倚牀立心癢聊開卷揭書指無力撰著既
不能及好弄紙筆心知荷扇香噓者見空碧聞有客在
門倩人代款揖見說月夕佳紙窗穴一隙漏月在牀頭
又畏風入室病中思所嗜客身誰知癖主人雖細詢告
之不敢悉問藥與勘方明明知無益聊復嘗試之幾幸
萬之一病乎歸去來汝於我爲客主既不汝留胡爲君
我即吾末如之何移文勸他適

崇禎庚午九月十九日爲陳母八十佳辰其長君

子含命某執筆而頌之

崇禎三年秋九日風色美陳子呼我來爛醉黃花裏語

我十日後介眉酒方釀吾母若母同我觴子志喜曾子
聞斯言感心懷有此小人有老母萱廬借湫市鰥子母
下厨小竈缺爨婢幼女十三四未能辨旨否六十擬稱
觴母也徒勞只是以花甲週今春廢斯禮陳子與我同
稍能具滌醢多我屋一椽有婦堪酌醴觴客老瓦盆伏
雌當執豕松石圖一箋爲壽言一紙登堂稱觥者二三
窮知己賤貧壽其親聊復如是耳富貴不可期今有其
具矣豈有我輩人長貧賤而已我聞大春秋八十謂之
耄大年曰童子無嗟爲壽遲爲壽自今始俟子九鼎養
記年方屈指

九日

我有好詩一萬首攜向人家欲換酒言辭未拙拙叩門
行行無之虛重九掀書三徑不虛開一卷陶詩素心友
陶潛籬下採黃花我不愛花愛五柳黃花寂靜老籬邊
楊柳風前大放顛

訪友外居山中將歸阻雨

主人留客勤更倩山作主猶恐客不留益以瀟瀟雨客
一而至三豈復有去理况我留更易無援亦自止此主
兼此客山中過歲矣

失意過友生籃輿百餘里出門謂家人十日之遊耳生
平耐作客濡滯無遠邇卽我與我期自疑未必爾往往
訂日歸不信於妻子果爾秋徂冬牽挽方未已固云我

好遊一半爲地主一半戀山中一半滯病裏一半待梅
花一半阻風雨其始則乘興興盡終復始謂近不當遊
遊孰過於此

贈楚荆醫人張達可

荊州自古英雄地楚有儒者荆門至盡讀人間未見書
軒轅素問資游戲我非杜老年未衰長年高枕亦病肺
當其氣激火炎時有似三分互鼎沸盤胸扼吭據孫吳
心腑之間角操備火攻水戰策紛然諸葛周郎竟誰是
楚人談笑立奇功一劑排之水火濟伐病居然當大敵
擲却方書出奇計驅使草木如驅人參苓俱帶英雄氣
癸酉春送楊君雨人北上

杏雨香春江柳花上行李立馬一書生感時涕江渙握
手訪中原茫茫不可視今 上古武丁鼎鑄缺雙耳大
川擢腐楫勁弦控撓矢翰林養相望棊枰酒杯底何不
習吏事而但討文史言官無大諫徒取 聖聽鄙是以
越職言或從小臣起大學古成均諸生與冑齒今爲鬻
爵肆羣蟻奔牟市 高皇重積分中興復古始司成冢
宰爭王言若置屣楊以選舉積分嗟古舉賢良選擇勵廉恥晁
賈公孫文猶云累科舉胡乃名世才時藝斯焉取孔孟
雖皇皇亦當事訓詁而況帖括中安得伊與呂安石亂
天下種毒今未已記誦欺主司田宅遺孫子大車誇閭
巷竿牘害鄉里養士三百年功效如是止齊寇比 帝

京寒齒附唇比困獸思決藩恐其渡遼水西賊秦抵燕
較齊稍緩爾亦畏走北胡二寇互表裏即我粵海中大
鯨相銜尾百城一叅戎犄角將何以墨敎囑人骨大吏
倒賢否清惠被彈文交章薦狼豕犯怒長官邪乃云肅
綱紀雖不非大夫亦當計桑梓子昔感 神京 帝棟
礎則圯萬虜城下薄無人應拊髀天子自登陴朋分機
國是寄書太息言天下事如此以致 聖主疑有臣不
敢特大鎮工戶曹中官坐協理 主既疑益深臣乃化
繞指間有謬謬然千人而一士此行又三歲抱膝熟摩
揣努力經世務明明天子使若乃逢年事其道在故紙
黃口拾進賢沾沾亦自喜得之不必才況子已才美何

事立春江喃喃話知已

麥熟歌

誰家兒矜狂癡朝也書暮也詩貯粟瓶蛛交絲鼠子移
家住甕底婦呼何怒兒苦飢孔孟飢凍之嚙矢開箱索
卷欲焚之婦無悲兒無啼阿翁釋卷學灌畦南山綠浪
麥離離老雉穀穀呼晨炊三月正當麥熟時小麥滿筐
大麥滿箕小麥釀酒大麥麋麥槁燃薪麥寔米蒸黍燥
脾烹伏雌全身浩蕩沒酒池婦歌鳴鳴兒跳嬉婦媚其
士兒呼爹老農之樂今乃知嗚呼噫嘻老農之樂今乃
知早不負耜事鉷基諄諄然孔氏之學而

讀魏武詩

其人爲霸則有餘其詩爲帝非不足大風之歌秋風辭
視之魏武竹弟肉數千年來魏及唐杜甫曹操相低昂
白也慷慨孫郎比東西爭帝將雁行虎踞龍盤天子氣
魏曹終有并吞勢少陵野老目無之大聲不肯引車避
王子催妝詩

渴蜂憶新葉未香魂遶藂有土三十餘自稱曰梁鴻仲
足示月老乞我一牽紅必得蓋代姿才兼與我同城市
不可得求之村落中有女十七八隱居郭之東待年讀
三易不嫁占春風王子晚得之未娶尤情癡才子矜佳
人賣畫買新詩佳期三月前喚我催妝遲對客指書空
學畫八字眉鴻筆寫細翠老畏不相宜正月換桃符招

婦貼門楣正月花筆鮮邀壻共臨池正月漉春酒雙面
沉一卮正月剪春燈芙蓉燒竝枝王子乎催妝之詩題
滿屋雪花鶯初春睡足我方別子出門去春江明花照
獨宿

讀雨生藝

崇禎六年客游羊城陳方兩生以文來
賈走筆書此

詞賦壯夫羞不爲而況區區事訓詁英雄氣短無奈何
一半從今半學古史遷班固大文章縮足僂行循入股
安排蟲臂削鼠肝焉用丈夫力如虎三百年來王制嚴
糊目經生無所覩青苗剋目未餬心不過當時小民苦
帖括封鋼天下士甚于坑焚王介甫志士強顏負起衰
區區聊復齊變魯我今屈曲鬢成絲安置此身何處所

一時出處千古名二者計之去十五老牛踟躕觀快犢
兩生奇文燈下讀暗啞叱咤亦足豪穎脫而出定司卜
讀曲歌

歡意如燈花引人不眠臥相對恨無油明明心易過
雙燭鐵作心難燒霜夜永一邊心難明一邊心易冷

醉中放歌寄某友

海天寒館霜作威指冠短髮不受吹老生未肯自稱老
知我已非少年時君少於予纔二歲四十封拜亦已遲
况俱失路鄉里中子猶豪健吾已衰丈夫不能與世選
喙長三尺何處開蹙縮眼眶髭鬚眉我學蠅聲控舌語
世人聽之曰太奇我欲作賊賊不可爲我欲登仙肉重

難飛我將爲今世之文士今世之文觀者舉肥作者救
飢瑣尾而不可垂茫茫千八百年間龍門大筆繼者誰
英雄醢殺醋甕底神龍失水乃令醢雞欺白登鐵城困
龍隼不藉巾幗難解圍我今騎王半山之拄杖借朱夫
子之門槌望門敲磚拙言辭吁嗟乎目長的短矢在正
移乞巧柳子送窮退之送之不去乞不來七尺一半土
中埋談深不覺歌莫哀尊中酒空淚滿杯明朝觀海共
登臺百尺天門眼好開酒坐莫有少年客白頭先生狂
不得

李 樓 字子高諸生著有卧游草

俚儂曲

香肌不裳即出不忍着非是惜繡花腰肢不勝弱
窗前置明鏡鏡裏訝青絲清光猶在目不是儂來時

子夜四時歌

春風扇微和芳園勻步寂搔首向花陰雲鬟繞飛蝶蝶
愛簪上花故故迴旋戲不知人意中對景多春思
夏景正炎長荷風香襲襲美人倚闌干嬌娃携藕至只
見藕絲飛不知藕絲繫節節共相牽芳情此中意
天霽金風生繡幃閒佇立鴻雁自南來嘹唳過雲際今
秋飛出關改歲依然至惟歎長征人緬懷增愁思
同雲暗竹梢密雪旋風舞重圍爐不溫飛花逗窗紙空
聞嗟夜長銀釭挑不已羅衣怯暮寒愁緒紛紛起

秋暮還鄉留寄故人

夜愁竟無寐支頭向牀帷戶外曉星爛擊柝罷多時起
坐出戶看朝煙正華滋好風自東來羣山鬱參差即此
念鄉關焉得不懷思況屬蕭條候返駕固其宜驅車邁
前路揖君從此辭故園籬菊黃看花正未遲

客從遠方來

客從遠方來遺我三尺劍豐城遠飛出紫氣光如電閃
閃鑑人心赫赫照人面以之懸書壁欲握心先戰嘗讀
燕丹書荆卿神不變佩爾出遠游萬夫手足顫南登岫
嶠峰北沂滹沱壑豈不念美人策馬尋芳甸得見豪俠
徒庶幾憂愁散白日表丹誠清月照素練自喜英風生

未識何年見鉛刀何足數燭光咫尺艷湛湛似秋水知
是莫邪鍊不遇薛燭來切莫輕出街

田園二首

朝出東郭門散步臨高原烟樹復參差阡陌錯鬱蟠春
光正及時萌芽漸漸繁鄉間農務動荷鋤滿前村深耕
辛苦力播種趁晴暄亭午扇少息饁餉婦子誼胼胝豈
不勞謀生勤乃存勸農事無遺歸來日色昏尊酒延鄰
里俚語雜雅言談笑移白日星月挂柴門
青青橋畔柳
弱條不可攀秋風倏忽至凋殘如等閒桔犂貴及時肆
力田畝間鳥雀噪枝頭蟋蟀吟水灣春賜佳卉多霜後
野草孱漸漸農務畢罷鋤暫掩關嘯傲芸窗下支頭看

名山浮雲無定所晚照巖岫般位望良友來高論破緣
慳奇文佐下酒日暮不言還

乙未除夕

野館疎燈夜勞勞歲又殘風塵消壯色杯酒發愁歎漏
滴催年盡棲雞報曉寒旅人心自苦園坐不成歡

國朝

楊宣道

字耐菴元儒冢子十歲能文年十六補國朝
博士弟子員性純孝喜吟咏著有愛吾廬詩
鈔數卷

貧居

深巷非吾地世何獨棄違衣單人早嬾家索犬遲歸路
滑輪轆少簷荒燕雀飛親朋無過問形影共相依

安處

巖栖桑畝晤軒皇臥雪茹冰獨自嘗寒谷三春仍凜冽
深山六月尙清涼蒼松壁立危巔上勁竹盤根古道旁
漫道洛陽花草豔何如蓬華度輝光

溫翺材字飛卿戊戌進士湖廣巴陵縣尹

題垣卿家先生崇祀鄉賢詩五古

我憶程處士家修一鄉善不朽旣以立誕乃姓乎縣悠
悠亘千祀穆穆流風燭吾家鄉先生古處跡復踐一經
尊儒行賢書不虛薦隱霧文彌章浮雲奚足冒仁心軫
饑烟日於路爲膳義氣剛且塞片言平忿悃何事乘高
位下施德乃徧四科後有作當以先生弁允矣汝南評

僉舉光釋奠此風遂採聞使者興歎羨程產得斯人處
士庸獨擅式崇俎豆新聲教從茲衍

楊泉字泗溪諸生

咏桃花

不教紅日門芳菲一陣東風幾陣飛爲問桃源何處是
滿溪流水沒苔磯
盡日桃花滿院飛紅添細雨逐人衣春光莫遣游蜂洩
祇恐來時不肯歸

咏筆架山

山川不可忽中有神靈窟本來造化產珍奇矗立塵寰
露真骨爰有沙湖筆架山三峯高踞白雲間千秋坐鎮